



---

Kommunalbestyretsi 29. september 2022 nal. 10:00

---

Kommune Qeqertalik Kommunalbestyretsi  
14-2022  
Oqaliiserisassat ammasut

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D, peqataanngilaq
Kristensen, Naja	A
Jeremiassen, Otto	S
Sandgreen, Enok	S
Samuelsen, Aqqqa	S
Frederiksen, Ole I.	S

**Ataatsimiinnermi aqutsisoq:** Ane Hansen, IA  
**Allatsi:** Kulunnguaq Reimer Olsen  
**Ataatsimiinneq:** Teamsikkut

## ULLORMUT OQALUUSERISASSAT

<b>22-070 BRND system – kulturimut sunngiffimmullu suliaqartunut system .....</b>	<b>3</b>
<b>22-071 Suliffimmi systemip Pilliikarsuaq (qallunaatut taaguutilik Pelikanen) nutarternera .....</b>	<b>7</b>
<b>22-072 2023-mut Missingersuutissatut siunnersuut pillugu Kommunalbestyrelsimit siullermeerinninnissamut inassuteqaat.....</b>	<b>10</b>
<b>22-073 Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkualuttoq 1000-C03 Wille Brandtsvej eqqaani Qitiusoqarfimmut siunnersuut.....</b>	<b>18</b>
ILISIMATTSISSTUTIT .....	21
22-074 2022-imi qaammatinut siullernut pingasunut naatsorsuutit pillugit ilisimatitsineq .....	21
ATAATSIMIINNEQ NAAVOQ: .....	23
ATSIORFISSAQ:.....	23

Oqaluuserisaq	Oqaluuserisassat akuerineqarnerat
---------------	-----------------------------------

**Oqaaseqaatit:**

**AALAJANGERNEQ:**

Oqaluuserisassat akuerineqarput.
----------------------------------

<b>Suliap nr.</b>	<b>22-070</b>	<b>Ilanngussap normua</b>	<b>70</b>	<b>Journal nr.</b>	
<b>Eqqartugaq</b>	<b>22-070 BRND system – kulturimut sunngiffimmullu suliaqartunut system</b>				

**EQIKKAANEQ:**

Ataatsimoorluni suliaq Timi Tarnimit saqqummiunneqarpoq, matumani qinnuteqaatigineqarluni aaliangersimasumik atuilernissamut (abonnement) pisinissamut akuerineqarnissaq.

- System kommunit sinnerinit tamanit aammalu GIF-imit atorneqarpoq, Kommune Qeqertalik minillugu.
- Innersuutigineqarpoq systemimik atuilernissamut pisinissaq politikkikkut akuersissutigineqassasoq Kommunalbestyrelsemi inaarutaasumik akuerineqartussanngorlugu.
- Aningaastagut sunniutissai:
  - 2022 Ukiup sinneranut:
    - abonnement 48.750 kr.
    - siunnersuineq 34.900 kr.
    - **Katillugit: 83.650 kr.**
  - Ukioq 2023
    - Attavilernermut ataasiartumik akiliut 265.000 kr.
    - Ukiumut abonnement 195.000 kr.
    - Siunnersuineq 34.900 kr.
    - **Katillugit: 494.900 kr.**
  - Ukiut sinneri tulliuttut ukiumut:
    - Abonnement 195.000 kr.
    - Siunnersuineq 34.900 kr.
    - **Katillugit: 229.900 kr.**
- Qaammat maj 2022 Kalaallit Nunaanni Timersoqatigiiffiit Kattuffiata nuna tamakkerlugu timersorneq pillugu isumasioqatigiisitsinerani ataatsimiitaliap siulittaasuata, aammalu Timi Tarnimi ataqtigissaarisup peqataaffigisaanni BRND system ilisaritinneqarluni oqaluttuarineqarsimavoq. Systemimik atuilernissamut tunngatillugu siornatigut suliamik politikkikkut qaqtisoqarnikunngilaq.

**SULIAP SAQQUMMIUNNEQARNERA:**

BRND system:

- Kalaallit Nunaanni kommunit sinneri systemimik atuisunngornikuupput, ilaatigut GIF qanumut suleqatigineqalernikuulluni. System atorlugu Kalaallit Nunaat tamakkerlugu peqatigiiffiit katersuuffigissavaat, aammalu peqatigiiffimmik ingerlatsinermennut iluaqutigilluassallugu.
- System piginnaasarpassuaqarpoq, peqatigiiffiit namminneerlutik isertaatertik atorlugu paasissutissat iliorarsinnaavaat imminullu sullinneq atulerlugu, peqatigiiffinnut minnerunngitsumillu kommunimi allaffissornikkut suliaqartunut oqilsaataasumik. System aqqugalugu qinnuteqaatit tamakkiisumik suliarineqarlutillu naakkutigineqarsinnaapput, paasissutissat allallu piumasaqaatit tamakkiisumik naammassineqarnissaannut qulakkeerinnittuussalluni. Saniatigut peqatigiiffiit nalunaarsornikut, aammalu isertaatitaarnikut "nittartakkaminni" peqatigiiffitsik nittarsaassinaalissavaat, neqeroorutitik, piffissat naapiffiit sungiusartarfiilluunniit ersarissumik saqqumisilerlugit, ilaasortat elektroniskimik akiliuteqarsinnaalerlutik, billetseerniarnerit allatigullu tuniniaanerit ingerlanneqarsinnaallutik. Peqatigiiffiit system aqqugalugu qanumut attaveqarfingeqalissapput, tassuunalu aamma ilisimatitsissutit, nutaarsiassat allatallu paasissutissiinerit ingerlanneqarsinnaallutik. Peqatigiiffiit ajornaatsunnguamik imminnut attavigiilerlutillo suleqatigiinnermik pilersitsisinnaalissapput, allallu qanoq periuseqarlutillo ingerlaaseqarnerannik malinnaasinnaanerulerlutillo isumassarsiorfissaqalissapput.

- Ullumikkut peqatigiiffinnut attaveqarneq, suleqateqarneq minnerunngitsumillu sullissineq pisariusumik ingerlanneqarpoq, amerlasuutigullu kukkutaarluni sullissisoqartarluni. Systemip atulernissaanut tunngavineqarsinnaasut ilagaat, Kommune Qeqertalimmi anguniakkani qulequttat ilaat makkuusut;
  - **IT, tamat oqartussaaqataanerat oqaloqataanerlu** - attaveqatigiinnermut digitaliusumut malinnaatisinissaq, imminullu sullinnissamut oqilisaanissaq.
  - **Kulturi kinaassuserlu** - ingammik peqatigiiffeqarnerup tungaatigut.
  - **Peqqissuuneq pinaveersaartsinerlu** - systemimik immersuisuullutik atuisussat tassaapput; peqatigiffiit suliniqaqtigiffiillu, innuttaasunut sammisassatigut, ilisimasatigut allatigullu ataatsimoortitsisut. Taakkupput timikkut tarnikkullu inuunermi peqqinnarnerusunut ukkataqarnissamut aqqutissiuusut. Inuttut imminut paarilluarneq, inuunermillu peqqinnerusumik ingerlatsinissamik siunertaqarneq, peqqinnanngitsunut allatigullu inuttut atugassarinngisanut

Kiisalu; takorluukkatut qulequttat pingarnerit sisamaasunut, innuttaasut namminneq atorsinnaasaannik sakkussalernerisigut sunneeqataaffigineqassapput, ukuusuni:

- **Ataatsimuussuseq** – peqatigiffiit, kommuni innuttaasullu akornanni ataatsimoornissaq ajornaannerulersissavaa
- **Ilikkagaqarneq** – inuit ilisimasaanik atorluaanikkut ineriarneq pissaaq
- **Amerlassuseq** – inuttut sammisatigullu assigiingngissuserput tamanut iluaqutaasumik nittarsaaneqarnissaa periarfissaginnerulissaq.
- **Tikiffikkuminartuuneq** – avataanit tikittut, minnerunngitsumillu Qeqertalimmi innuttaasut periarfissanut amerlanerusunut siammasinnerusunullu, ornigassanut peqataaffissanullu pisariinnerusumik ersarinnerusumillu tikilluaqquillugillu neqeroorfigineqarsinnaalissapput.

Aaqqiissutissatut siunnersuut – ilinniarsimasutut naliliineq

Qulaani systemimik atuilernikkut iluaqtissaasinhaasutut taakkartorneqartunut eqquutsitsissagaanni pingaaruteqarpoq; allaffissornikkut akisussaasut atuisussanut malinnaatitseqqissaarnissaat, minnerunngitsumik peqataatitsinkkut akisussaaqataalersillugillu piginneqataalersinnissaat.

Atutilissappalli atutilernissaanut aaliangiisussaaq annerpaaq aningaasaniippoq.

System atorneqalerpat Timi Tarnimi sulisunit suliaq tamakkiisumik akisussaaffigineqassaaq.

#### **Aaqqiissutissatut siunnersuut:**

1. Ukioq 2022-imut systemimik atuilernissamut aningaasartutuutissat katillugit 83.650 kr.-nik amerlassuseqartut, politikkut taperserneqarluni, immikkullu qinnuteqangikkaluarluni Timi Tarnimi aningaasaliissutaareersut iluannit sumiiffikkaarluni qanoq pilliuteqartiginissaq isumaqtigiissutigineqarluni nammineq agguarneqarnissaa akuersissutigineqassasoq.
2. Ukioq 2023-imut aningaasartutuutissat katillugit 494.900 kr.-nik amerlassuseqartut ataasiartumik immikkut aningaasaliiffigineqassasut, tamanna pisinnaanngippat missingersuutit iluannit suliassaqarfik Timi Tarnimit ataatsimoirluni matussusiisoqarsinnaanera periarfissillugu, kiisalu:
3. Ukioq 2024-mit ukiut tulliinut systemimik atuinissamut aningaasartutuutissat ukiumut katillugit 229.900 kr.-nik amerlassuseqartunut akiliuteqartussanut aningaasaliisoqarnissaa siunniunneqassasoq.
4. Ukioq 2023-mut kiisalu ukiunut tulliuttunut ataavartumik qaavatigut aningaasaliisoqarnissaa pisariaqartinneqarluni qinnuteqaatigineqarpoq.

**ANINGAASATIGUT KINGUNISSAI:**

- Qulaani aningaasartuutissat taakkartorneqartut innersuunneqarput.
- Ukioq 2022 sinneranut aningaasaliinissaq Timi Tarnimit sinaakkutat iluannit matussuserneqassaaq
- Ukioq 2023-mut kiisalu ukiunut tulliuttunut ataavartumik qaavatigut aningaasaliisoqarnissaa pisariaqartinneqarluni kissaatigineqarpoq.
- 

**KINGUNISSAT:**

Ukioq 2023-mit ukiut tulliinut systemimut atuilernissamut qaavatigut aningaasaliisoqarnissaanik qinnuteqaat kommunip aningaasaqarnikkut pingaarnersiuinermini matussuserneqarsinnaanngippagu, Timi Tarnimi sinaakkutit iluannit matussuserneqarnissaanut politikkikkut akuerineqaqqaarnissaq kissaatigineqarpoq. Taamaattoqassappalli ilisimaneqassaaq; qaavatigut aningaasaliisoqarani Timi Tarnimit aningaasartuutit missingersuutinit matussuserneqassappata, peqatigiiffinnut allanullu aaqqissuussanut aningaasaliissutissat tapiissutissallu kalluarneqassammata, illuanik aningaasartaqanngitsutigut sullissineq pitsanggoriaraluartoq. Naqissuserneqassaarli systemimik atuilernissaq pingaaruteqarluiinnartutut Timi Tarnimit isigineqarluni nalilerneqarmat, kommunip iluani taamaallaat pinnani nunarpulli tamakkerlugu sullissilluarlunilu suleqataalluarnissaq pillugu.

**INATSISITIGUT TUNNGAVIUSOQ**

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5, 6. juni 2016-imeersoq

- Kommuni Qeqertalimmi “Takorluukkat aamma pingaarnertut iluseq”  
<https://kommuneplania.qeqertalik.gl/takorluukkat-aamma-pingaarnertut-iluseq/>

**SULIAP SULIARINEQARFIA:**

Suliaq Timi Tarni ataatsimiititaliami suliarineqassaaq, ataatsimiititaliaq INUA-kkoorlugu kommunalbestyrelsemut inaarutaasumik aaliangiiffiqneqartussanngorlugu ingerlateqqinnejassalluni.

**INASSUTEQAAT:**

Qullersaqarfik Ataatsimiititaliaq Inua-nut inassutigaa:

- 2022-imik periusimik atuutsitsilernissaq eqqarsaatigalugu Aasianni Timi Tarni-mut aningaasaliissutaasunik atuinissaq akuersissutigineqassasoq.
- Ataatsimiititaliaq Timi Tarni piumaffigineqassasoq 2023-imik periusiusup ingerlaannarnissaa eqqarsaatigalugu aningaasalersuinissamut maannakkut 2023-imut missingersuutinit aappassaaneerlugu suliarinissaani sinaakkutit iluini aningaasaliissutissanik innersuutigeqqullugu.

Timi Tarni *suliaqarfip, Timi Tarni ataatsimiititaliamut inassutigaa:*

- Systemimik atuilernissaq akuersissutigineqassasoq, ukioq 2022 Timi Tarnimit allaffissornikkut nammineq matussuserneqassalluni, aammalu
- Ukioq 2023-mut aningaasaliisoqassasoq, ukiut tulliuttunut aningaasartuutissanut qaffaateqartoqarluni.

**ILANNGUSSAT:**

- Ilanngussaq 70-01 Check-In\_foreninger
- Ilanngussaq 70-02 Qeqqata kontrakt fra april 2020 som eksempel
- Ilanngussaq 70-03 absalonX\_folder\_printvenlig
- Ilanngussaq 70-04 colosseum\_folder\_printvenlig

**AALAJANGERNEQ:**

Ataatsimiititaliaq Timi Tarni ulloq 8. September 2022 ataatsimiinnerani aalajangerneq:

Aaliangernissaq akuerineqaroq.

**AALAJANGERNEQ:**

Ataatsimiititaliaq Inua ulloq 22. September 2022 ataatsimiinnermini aalajangernera:

Inassuteqaat akuerineqarpoq.

**AALAJANGERNEQ:**

Qullersaqarfiup inassuteqaataa akuerineqarpoq.

Suliap nr.	22-071	Ilanngussap nr.	71	Journal nr.	18,01
Sammisaq	<b>22-071 Suliffimmi systemip Pilliikarsuaq (qallunaatut taaguutilik Pelikanen) nutarternera</b>				

**EQIKKAANEQ:**

Suliassaqarfik INOQARFIK suliffimmi systemip Pilliikarsuaq (qallunaatut taaguutilik Pelikanen) nutarterneqarnissaanik pisariaqartitsivoq. Pilliikarsuaq Qaasuitsup Kommuniani ineriertortinnejarpooq nunaminertaliisarnermi sullissinerup suliffimmut tulluarsarlugu pitsangorsarneqarnissaa siunertaralugu. Programmip nutarterneqarnissaas pisariaqartinneqarpooq.

**SULIAP SAQQUMMIUNNEQARNERA:**

- Pilliikarsuaq ineriertortinniarlugu allatseqarfik programminik aralinnik suliaqarpooq, akunnerminni atassuteqatigiinngitsunik. Taamaattumik suliffimmi systemi Pilliikarsuaq ineriertortinnejarpooq, taaguutaalu assersuutaavoq oqariartuutaallunilu programmit taakkua ataatsimut katarsorneqarsimasut – Pillikarsuup siggussuani. Taaguutaa ingerlatsiviusimasumi taaguummik unammisitsisoqarnerata kingorna saqqummiunneqarpooq.
- Kommune Qeqertalimmi programi version qangarnisaq atorneqarpooq, 2008-milu kommune avinnejarmat nutarterneqarsimannigitsoq. Avannaata Kommuniani versioni inerartorteqqitaq nutaaq sularineqaleruttorpoq. Versionimi tassani sanaartornermi sullissineq, nunamik assaanermut aamma qaartitsinermut akuersissutit allallu akuersissutit pineqarput, nunaminertanik agguanerit pisariallit allaffissornikkut tunniunneqarsinnaasut.
- Massukkut programmip atorneqartup pissutsit nunaminertaliinermut tunngasut isumagisarpai, Pileraarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aammalu Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisissaat nr. 9, 13. juni 1994-imeersoq aamma Pisortat ingerlatsineranni suliassat sularineqartarnerat pillugu Inatsisartut inatsisissaat nr. 8, 13. juni 1994-imeersumeersut najoqqutassat. Programmi kommunillu avinnerani 2018-mili suli nutarterneqanngimmat programmip inatsit Pileraarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersup uunga Pileraarusiorneq aamma nunaminertat atorneqartarnerat pillugit Inatsisartut inatsisaata allangortinneqarneranik Inatsisartut inatsisissaat nr. 34, 9. december 2015 (Nuna tamakkerlugu pileraarusiornermut nalunaarusiaq, nunaminertanik inniminniisarneq, atuisinnaanermut killigititamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pileraarusiornermut- nunaminertamillu atuisinnaanermut atatillugu naammagittaalliorfiup allallu atorunnaarsinnejarpooq.) nutarterneqarnera naammassisinnaanngilaa.
- Nunaminertamik atuinissamut qinnuteqarnermit akuersinermut suleriaatsimi pineqarput nunaminertanik atugassiineq, sanaartornissamut akuersissutit, nunamik assaanermut aamma qaartitsinermut akuersissutit kiisalu sanaartukkamik atutitsilernermi akuersissuteqartarneq suliamillu tamakkiisumik akuersineq. Massukkut programmi Pilliikarsuaq taamaallaat nunaminertanut tunngasuinnarnik suliaqartoqarsinnaavoq.
- Avannaata Kommunia nutaanik procesdiagramminik assigiinngitsunik allakkianillu suliaqarpooq qulaani pissutsit taaneqartut sularinerinut. Taassuma saniatigut Avannaata Kommunia digitalikkut nittartakkamik suliaqaleruttorpoq, taamaalilluni programmimi allaaserineqartumi suleriaaseq tamaat isumagineqarsinnaalissaq.
- Tamanna Kommune Qeqertalik Avannaata Kommunianit allakkianik procesdiagramminillu piginneqatiginnissummik 50 %-imik pisinissamut isumaqatigiissuteqarsinnaatissavaa aammalu Kommune Qeqertalimmut naleqqussakkamik digitalikkut nittartakkamik nutartikkamik pisinissaanut.

**ANINGAASATIGUT KINGUNISSAT:**

- Allakkianik procesdiagramminillu Avannaata Kommuniani pisineq akeqarpoq 55.987,50 kr.
- Digitalikkut nittartakkamik siunnersuisunit ingeniørfirma COWI-mi versionimik nutaamik pisineq akeqassaaq 300.000,00 kr.
- Ingerlatsineq aamma hosting ukiumut massakkut akeqarpoq 6.000,00 kr. Aningaasat taakkua ukiup aallartinneri tamaasa akilerneqartassaaq nittartakkamillu nutaamik nutarterinermi allanngortinneqartassanani.
- Pisineq Inoqarfimmi sulinermi aaqqissuussinermut aningaasaliissutinit kiisalu IT-mik ingerlatsinermut aningaasaliissutinit aningaasalersorneqassaaq.

**KINGUNEQAATIT:**

- Suliami saqqummiussami allaaserineqartumik digitalikkut nittartakkamik kiisalu allakkiamik processinillu pisinermik Ataatsimiitaliaq INUA akuersissappat, allatseqarfik nutaaliamic sullissinermi systemeqalissaq.
- Sulinermi systemimi pillugu ESDH-systemimik nutaamik GetOrganized-imik tuniniaasorlu oqaloqatigiissutigineqareerpoq, kommunip Isumaginninnermi suliassaqarfimmi atuleriigaani kingusinnerusukkullu kommunimi suliassaqarfinni tamani atorneqalersussami. Pilliikarsuaq tassunga elektroniskimik sulianik allakkianillu suliaqarluni programmimut ilanngullugu atorneqarsinnaavoq. ESDH-systemi kisimi atorneqarsinnaanngilaq, suliatigut suleriaatsinik isumaginnissinnaanngimmat ass. nunamik assaanermut aamma qaartitsinermut akuersissutit allallu akuersissutit.
- Suliassaqarfik INOQARFIK version nutaaq Pilliikarsuaq atorneqalissappat, qitiusumik sanaartornermi sullissineq immikkoortuni avataaniittuni ingerlanneqarsinnaalissaq soorlumi nunaminertaliisarnermi sullissineq taamaareersoq.
- Sulisunik taarseraannerup annertunera pissutigalugu avataani nunaminertaliinermik sulisut piginnaanngorsaqqinnisaat pisariaqartinneqarpoq, nunamik assaanermik atulersitsisartut.
- Massakkut aamma suleriaatsit immersugassallu assigiinngitsut atorneqarput, kommunip avinnerata kingornalu nutarterneqanngitsut.
- Sulisut innuttaasallu taamaattumik ilinniartitsinerup kingorna pitsaanerusumik sullisseriaaseq malugisinjaassavaat aammalu pitsangorsaaneq sulinermillu nuannarininnerunissaq pitsasumik nutaamik sulinermi atortoqalernermi anguniarneqarpoq.

**INATSISITIGUT TUNNGAVIK:**

- Pilerausiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.
- Pilerausiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersumik allanngortinneqartoq Inatsisartut inatsisaat nr. 34, 9. december 2015.
- Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq.
- Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq.

**SULIAP SULIARINERA:**

- Ataatsimiitaliaq INUA.

**INASSUTEQAAT:**

Inoqarfik INUA Ataatsimiitaliaq Inua-mut inassuteqaatigaa,

- immersugassat kiisalu sulinermi systemip Pilliikarsuaq-mik nutarterinissaq akuerineqassasoq.

**ILANNGUSSAQ:**

Ilanngussaq 71-01: Pilliikarsuaq-mut digitalikkut nittartakkamut nutaamut neqeroorut.

Ilanngussaq 71-02: Avannaata Kommunianut akiligassap assilinera, imaralugit allakkat, suleriaatsit aammalu taakkununnga siunnersuinerit.

**AALAJANGIINEQ:**

Ataatsimiitaliaq Inua ulloq 22. September 2022 ataatsimiinnermini aalajangernera:

Inassuteqaat akuerineqarpoq.

**AALAJANGIINEQ:**

Inassuteqaat akuerineqarpoq.

Suliap nr.	22-072	Ilanngussap nr.	72	Journal nr.	
Sammisaq	<b>22-072 2023-mut Missingersuutissatut siunnersuut pillugu Kommunalbestyrelsimum siullermeerinninnissamut inassuteqaat</b>				

### **EQIKKAANEQ:**

Uuminnga suliamik saqqummiussamik Ataatsimiitaliaq Inua 2023-mut Missingersuutinut siunnersummik Kommunalbestyrelsip siullermeerinninnissaanut inassuteqaateqarpoq.

Missingersuutinut siunnersuut Ataatsimiitaliaq Inua-ni 2023-mut Missingersuutit sinaakkutaat ulloq 14. juuni 2022 aalajangersarneqartoq tunngavigalugu sularineqarpoq. Kommunalbestyrelsip Missingersuutilerinermi isumasioqatigiinnerani Kangaatsiami ullauni 15. aamma 16. juuni 2022. Ataatsimiitaliat Ataatsimiititaq Inua-nut suliassaqarfii iluanni missingersuutit pillugit ataatsimiitaliat inassuteqaataat ataatsimiitaliani sularineqarpoq ullauni 6.-8- septembari 2022.

### **SULIAP SAQQUMMIUNNEQARNERA:**

2023-mut Missingersuutissatut siunnersuut Teknikkikkut Aqutsinermi Missingersuutit tunngavigalugit sularineqarpoq, kommunip massakkut aningasaliissutaani allanneqartumi.

Ataatsimiitaliaq Inua-ni 2023-mut Missingersuutinut sinaakkutit aalajangersarpai 2023-mi aammalu ukiuni missingersuusiorfiusuni 2024-miit 2026-mut kommune 18 mio. koruuninik sinneqartoorteqarnissaa anguniarlugu. Taassuma saniatigut ataatsimiititaq aalajangerpoq kommunimi akileraarutip procentia massakkut 28 %-iusoq aalajangersarneqassasoq aammalu kommunip nalinginnaasumik isertitai 10 %-imik annertusissasut. 2024-mi sanaartornermut sinaakkutissani 90 %-inik aalajangiisoqarpoq, 2025-mi 80 %m aammalu 2026-mi 70 %-mik sanaartugassanut sinaakkusiisoqarluni. 2023-mi sanaartornermut sinaakkutissat 55 mio. koruuninut aalajangersarneqarput, 2024-milu sanaartornermut sinaakkutissat 90 %-inut aalajangersarneqarlutik, 2025-mi 80 % aammalu 2026-mi 70 %-mik sanaartugassanut sinaakkusiisoqarluni.

Missingersuusiornermut isumasioqatigiinnermi Kommunalbestyrelse Ataatsimiitaliaq Inua-ta 2023-mut missingersuutaanik saqqummiussivigineqarpoq aammalu politikerinit, innuttaasunit allatseqarfimmillu siunnersuutit tunngavigalugit periarfissat allattorsimaffii saqqummiunneqarlutik.

Ataatsimiitaliaq ataavartut suliassaqarfimminti missingersuutinut siunnersuutit ullauni 6.-8. septembarimi suliaraat.

Ataatsimiitaliaq INOQARFIK ingerlatsinermut missingersuutinik akuersivoq. Ataatsimiitaliamit kissaatigineqarpoq sanaartugassat pingaarnersorneqassasut kiisalu sanaartugassanut nutaanut aningasaliisoqassalluni. Ataatsimiitaliamit kissaatigineqarpoq sanaartugassanut tulliuttunut aningasaliisoqassasoq:

- 1 mio. kr. 2023-mi Qeqertarsuarmi Aqquserniliornissamut, illoqarfimmi utoqqarnut pitsaanerusunik aqqusernit sanaartorneqarnissaannut qulakkeerisussaq
- 1 mio. kr. 2023-mi Qeqertarsuarmi aamma Qasigannguani aqqusernit nutaat suliniutigineqarnissaannut
- 1 mio. kr. 2023-mi Qasigannguani tummeqqanik nutaanik sanasoqarnissaanut
- 10 mio. kr. (5 mio. kr. 2023-mi aamma 5 mio. kr. 2024-mi) Qasigannguani inissianik sanaartortoqarnissaanut
- 1 mio. kr. 2023-mi Qasigannguani aqqusernit suliniutigineqarnissaannut, arsaattarfimmut iliveqarfimmillu aqqusineqarnissamut qulakkeerisussat
- 15 mio. kr. 2023-mi Niaqornaarsunni Minihalip sananeqarnissaanut

- Qeqertarsuarsuarmi meeqqeriviup nutaap suliniutigineqarnissaanut sanaartorneqarnissaanullu siuartitsineq Siunnersuut ima paasineqassaaq 2023-mut 1 mio. koruuninik 2024-mut 15 mio. koruuninik siuartitsisoqartoq
- 1 mio. kr. Aasianni multibaneq nutaap sanaartorneqarnissaanut
- 1 mio. kr. 2023-mi Aasianni aqqusiniliornissamut, Aadaruujuk Piukkunnarsarfimmut atassuserlugu
- Kangaatsiami arsaattarfiup ivigaaraasartallip sanaartorneqarnissaanik siuartitsineq Siunnersuut ima paasineqassaaq 2023-mut 1 mio. koruuninik 2024-mut 5 mio. koruuninik siuartitsisoqartoq
- 1 mio. kr. Kangaatsiami aqqusernit asfaltilersorneqarnissaannut
- Aasianni bussinik pisinissamik kiisalu aningaasaliissutnik qaffaanissamut siuartitsineq. Siunnersuut ima paasineqassaaq 2023-mut 2,5 mio. koruuninik sanaartornissamut aningaasaliisoqartoq.

Ataatsimiitaliaq INOQARFIK-mit siunnersuut sanaartugassat nutaamik pingaarnersiorneqassasut ima paasineqassaaq 2023-mi sanaartugassanut aningaasaliissutit 2023-mi 26 mio. koruuninik aammalu 2024-mi 24 mio. koruuninik tamakkiisumik qaffanneqassasut. Sanaartugassanut aningaasaliissutit tamakkiisut taamaalillutik 2023-mi 73,4 mio koruuniussapput aamma 2024-mi 65,9 mio. koruuniussallutik.

Sanaartugassanut sinaakkutit 2023-mut 55 mio. koruuninik 2024-mut 49,5 mio. koruuniunissaannik aalajangersaasoqarpooq.

Ataatsimiitaliaq Inuit-ip ulloq 7. september ataatsimiinnerminni 2023-imut missingersuutissatut siunnersuut isummerfiginngilaat. Ataatsimiitaliaq kissaatigaa ulloq 13. september immikkut ittumik ataatsimiinnissami siunnersuut pillugu paassisutissanik annertunerusunik pissarserusullutik. Immikkut ittumik ataatsimiinnermi amerlanerussuteqartut aalajangerput Ataatsimiitaliaq Inoqarfik sanaartugassatut missingersuutit pillugit ataatsimeeqatigineqassasoq, tassa sanaartornermut aningaasartuutit qaffakkiartornerisa pisariaqartilissammassuk suliassaqarfimmi Inuit-mi suli annertunerusumik sipaaruteqarnissaq. Ataatsimiitaliaq Inuit-ip ingerlatsinermut missingersuutissatut siunnersuut itigartippaat, matumani missingersuutit pillugit siunnersuut INUIT-ADM01 Siusinaartumik utoqqalinersiallit pillugit suliati nalilersoqqinneri aamma Inuit suliasssaqarfiini akigititanik 10 %-imik qaffaanissamik Ataatsimiitaliaq Inua-p aalajangernera ilanngullugu. Ataatsimiitaliaq kissaatigaa kommunimi ulloq unnuarlunngerlaarsimaffiup pilersinneqarnissaa pillugu siunnersummik suliaqartoqassasoq.

Ataatsimiitaliaq Timi Tarni suliasssaqarfimmut sanaartornermut missingersuut akuerineqarpoq. Ataatsimiitaliaq TIMI TARNI-mit kissaatigineqanngilaq Ataatsimiitaliaq Inua-ta 10 %-imik akiliutit qaffannissaat pillugu missingersummut ilanngunneqarnissaannik aalajangiineranut atuutsitsilernissamat.

### **ANINGAASATIGUT KINGUNISSAT:**

Siunnersummi matuma ingerlatsinermi sinneqartoortutissat 70,6 mio. koruuniussasut missingersuusiorneqassaaq. 2022-mi kommune ingerlatsinermi 70,2 mio. koruuninik sinneqartuussasoq missingersuusiorneqassaaq.

Siunnersummi 2023-mi sanaartugassanut aningaasaliissutit 47,4 mio. koruuniupput aammalu 2023-mit 2026-mut 170,4 mio. koruuniullutik. 2022-mut missingersummi 2022-mut 60 mio. aammalu 2022-mit 2025-mut 211,8 mio. koruunit missingersuusiorneqarput.

2023-mut Missingersuutissatut siunnersummi 2023-mi 23,1 mio. koruuninik sinneqartoortoqassasoq takutinneqarpoq. 18 mio. koruuninik missingersuutini sinneqartoortoqassasoq siunertaavoq. Taamaalilluni sanaartugassanut nutaanut imaluunniit kiffartuussinermi pitsangorsaarenut 5,1 mio. koruunit missingersuutissatut siunnersummut aningaasatigut atorneqarsinnaassapput.

Ataatsimiitaliaq INOQARFIK-up sanaartornermut missingersummut siunnersuutaa ima

paasisariaqarpoq 2023-mi 26 mio. koruuninik aamma 2024-mi 24 mio. koruuninik immikkut aningaaasartuuteqartoqassasoq.

Ataatsimiititaq Inuit aamma Timi Tarni-mit Ataatsimiititaliaq Inua-ta kommunimi akigititanik 10 %-imik qaffaaneq pillugu aalajangiussaata atuutilersinnginnissaanut siunnersuut ima paasisariaqarpoq isertitatigut 1,6 mio. koruuninik annaasaqaataassasoq.

Ataatsimiititaliat ataavartut siunnersuutaata missingersummut atuutsilersinneqarpat 23,1 mio. koruuninik sinneqartoortissaq 2023-mi 4,5 mio. koruuninik amigartoorutaassaaq. Tamanna ima paasisariaqarpoq, kommunimi aningaaasat tigoriaannarnit tamakkiisumik nusunneqartussat inissialiornissaannut aningaaasaliissutissat ilangngullugit 12,5 mio. koruuniussapput. Kommune Qeqertalik 2023-mi immikkut aningaaasartuutit matussusernissaanut ileqqaagaqanngilaq ataatsimiititaliallu siunnersuutaat kommunip ingerlatsineranut aningaaasaliinissamut atorniarnissap atuutsilernissaata kingunerisaanik.

Tamanna tunngavigalugu innersuussutigineqarpoq Ataatsimiititaliaq Inua missingersuutinut sinaakkutit massakkut atuuttut aalajangersarneqassasut 18 mio. koruuninik sinneqartoorfiusumik aamma sanaartornermut missingersuutinut sinaakkutit 55 mio. koruunit, kiisalu ataatsimiititaliat piumaffigineqassasut 2023-mut missingersuutinut aningaaasaliissutinut nutaanut kissaatigineqartut nalinginut sipaarutaasussanik nassaaqqullugit.

#### **KINGUNEQAATIT:**

Siunnersummut kinguneqaatissat missingersummi allaqqapput.

#### **INATSISITIGUT TUNNGAVIK:**

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaaasanik tigoriaannaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Ingerlatsinermut aningaaasanillu aqutsinermut ilitsersuut, Kommune Qeqertalik, 01.01.2018

#### **SULIAP SULIARINERA:**

Ataatsimiititaliaq Inua kommunip ukiumut missingersuutaanut Kommunalbestyrelsimit siunnersummik suliaqassaaq.

Ukiumut missingersuutinut siunnersuut Kommunalbestyrelsimi aappassaaneerneqassaaq. 29. septembari siullermeerneqarnissaa naatsorsuutigineqarpoq aammalu naatsorsuutigineqarpoq kommunalbestyelsip ataatsimiinnerani ulloq 24. novembari aappassaaneerneqassasoq.

**INASSUTEQAAT:**

Qullersaqarfiup Ataatsimiitaliaq Inua-nut inassuteqaatigaa:

- 2023-mut Missingersuutissatut siunnersuut Kommunalbestyrelsimit siullermeerneqarnissaanut inassuteqaateqartoqassasoq
- ataatsimiitaliap suliassaqarfianut periarfissat allattorsimaffiat akuerineqassasoq
- ataatsimiitaliat Inuit, Inoqarfik aamma Timi Tarni 2023-mut missingersuutit aappassaaneerneqarnissaannut sipaaruteqarnissamut siunnersuut pillugu saqqummiussinissaannut piumaffigineqassasut, 2023-mi aamma ukiuni missingersuusiorfiusuni aningaasartutuutissatut siunnersuutigineqartut annertusisussat aningaasaliiffigineqarnissaannut.

**ILANNGUSSAQ:**

Ilanngussaq 72-01 2023-mut Missingersuutissatut siunnersuut

Ilanngussaq 72-02 Periarfissat allattorsimaffii

Ilanngussaq 72-03 Kommunalbestyrelsimi ilaasortat, nunaqarfimmi aqutsisut, innuttaasut aamma allatseqarfimmit missingersuutissatut siunnersuut

Ilanngussaq 72-04 Ataatsimiitaliaq Inua-p ataatsimiinnerani ulloq 14. juni 2022-mi imaqarnialiaq

Ilanngussaq 72-05 Ataatsimiitaliaq INOQARFIK-up ataatsimiinnerani ulloq 6. septembari 2022-mi imaqarnialiaq

Ilanngussaq 72-06 Ataatsimiitaliaq INUIT-ip ataatsimiinnerani ulloq 7. septembari 2022-mi imaqarnialiaq

Ilanngussaq 72-07 Ataatsimiitaliaq INUIT-ip immikkut ittumik ataatsimiinnerani ulloq 13. septembari 2022-mi imaqarnialiaq

Ilanngussaq 72-08 Ataatsimiitaliaq TIMI TARNI-p ataatsimiinnerani ulloq 8. septembari 2022-mi imaqarnialiaq

**AALAJANGERNEQ:**

Ataatsimiititaliaq Inoqarfik ulloq 6. september 2022 ataatsimiinnerani aalajangerneq:

- Qeqertarsuarmi aqqusineq pillugu pilersaarusiornermut kr. 1mio.
- Qasigiannguanut aqqusineq pillugu pilersaarusiornermut kr. 1mio.
- Qasigiannguani inissianik sanaartornissaq 2023-mi kr. 10mio. aammalu 2024-mi 10mio.
- Niaqornaarsummi timersortafiliassaq missigersuutinut ilanngunneqassasoq.
- Qasigiannguani arsaattarfiup aqqutaa suliarineqarnissaa kr. 1mio pilersaarusiorneqarnissamut.
- Qeqertarsuaq meeqqanik paaqqinnittarfissamik sanaartornissaq siuartinneqassasoq.
- Qasigiannguani tummeqqat kr. 1mio. pilersaarusiornissamut aningaasaliinissaq.
- Multibane Aasianni sananeqarnissaa.
- Aasianni aqquserni atassuserneqarnissaat – Aadarujummik/Sioraleeqqamiik fabrikkip tungaanut kr. 1mio.
- Kangaatsiami ivingaasaaqqalinnik arsaattarfiliornissaq kr. 1mio. 2023 pilersaarusiareriarlugu, 2024-mi 5mio.
- Kangaatsiami aqqusernit asfalt-ilersorneqarnissaanut pilersaarusiornissaq kr. 1mio.
- Aasiaat bussitaarnissaanut kr. 2.5mio.

**AALAJANGERNEQ:**

Ataatsimiititaliaq Inuit ulloq 7. september 2022 ataatsimiinnerani aalajangerneq:

10% -imik qaffaanissaq akuerineqanngilaq.

Missingersuutitut siunnersuutit immikkoortortanut kisitsisitigut agguardeqarneqarnerata takussutissartaa ataatsimiisitaliamut saqqummiunneqassasoq piumasarineqarpoq.

Tamatuma kingorna immikkut ittumik ataatsimiinnissaq pisariaqarpat aaqqissuunneqassasoq.

**Aaliangerneq:**

Ataatsimiititaliaq Inuit ulloq 13. september 2022 immikkut ittumik ataatsimiinnerani aalajangerneq:

Førtidspensionist-inut aningaaasartuutit ikilisarniarlugit pilersaarummut tunngatillugu aammalu akit 10 %-mik qaffanneqarnissaat pillugit inassuteqaatit itigartinneqarput.

Tassunga taarsiullugu pisortanut suliakkiunneqarpoq Kommune Qeqertaliup avataani ulloq unnuarlu inissiisarfinnut inissinneqartartut angerlartinneqarsinnaanerat siunnertaralugu, ulloq unnuarlu angerlarsimaffimmik, assigiinngitsunik innarluuteqartunut najugassamik Kommunimi pilersitsinissaq misisoqqullugu.

Ilanngullugu ikkunneqartariaqarput suliniarfialugillu meeqqat atuarfianiit anisut inuutissarsiutitigut ilinniakkamik aallartitsisinnaanngitsut, tammakartanerat sapinngisamik unitsinnissaa siunertaralugu.

Aammalu atuarfimmi angusat qaffassarnissaat pillugu suliniut tigussaasunik kingunilimmik ingerlannissaa piumasarineqarpoq. Tassunga ilaalluinarpooq meeqqat ernumanaatillit paasiaartarnissaat pillugu suliniutip aallunnissaa.

Ukioq 2023-imut missingersuutit ukiumi siuliani ingerlatsinermut aningaaasaliissutit kr. 356,5 mio. aallaavigalugit suliassaqarfik ingerlaqqissasoq piumasarineqarpoq.

Aammalu sanaartugassat pillugit missingersuutini Inuit susassaqfianut tunngasut ataatsimiititaliaq Inoqarfik naapillugu oqaluuserineqarnissaat piumasarineqarpoq. Takuneqarsinnaammatt aningaaasartuutissatut missingersuutit aningasaqarnerlu ataqatigiikkunnaartut.

Siunnersuut 2023-imut sanaartugassanut aningaaasaliissutaassapput 47,4 mio. kr.-init kiisalu 2023-imiit 2026-imut 170,3 mio. kr.-iussallutik. 2022-imut missingersuusiarineqarput 60 mio. kr. -it kiisalu 2022-imiit 2025-imut 211,8 mio. kr.-iullutik.

Siumut inassuteqaammut itigartitsivoq tunngavilersuutaa assilillugu allanneqarpoq: Oqaluuserisaq 22-059 inassutigineqartoq itigartippa, 10%-imillu susassaqarfitsinni qaffaaniarneq missigersersuutit ataqatigiisinnissaannut aallaaviummat naaggaarlugu, tarsiullugu kumuunimi susassaqarfitsinni tamani qaffaannginnissaq anguniarlugu periarfissat allat misissorneqarnissaat kissaatingaara.

**AALAJANGERNEQ:**

Ataatsimiititaliaq Timi Tarni ulloq 8. september 2022 ataatsimiinnerani aalajangerneq:

Atuakkanik atorniartarfimmi akigititat 10%-mik qaffannissaat akuerineqanngilaq. Missigersuutit sinneri akuerineqarput.

**AALAJANGERNEQ:**

Ataatsimiititaliaq Inua ulloq 22. September 2022 ataatsimiinnermini aalajangernera:

Ataatsimiititaliaq Inuani isumaqatigiissutigineqarpoq, ingerlatsinermi sinaakkutaasut kiisalu sanaartugassani sinaakkusiunneqartut 55 mio. Kr. Iluani 2023-mut missingersuut naammassineqassasoq, nikisitsisoqassappallu ataatsimiititaliat ataavartut sinaakkutit iluanni pingaarnersiuissasut.

Attumi Ikamiunilu Atuarfiit pingaarnersiornermi eqqarsaatigineqassasut.

Akinik 10%-imik qaffaanissamik innersuutip iluani attunngitsoorneqarsinnaasut misissorneqassasut. Siusinaarluni utoqqalineriutillit pillugit kommunalbestyrelsi immikkut sammisaqassasoq temadageqarnikkut.

Ataatsimiititaliaq Inuit aamma ataatsimiititaliaq Inoqarfik missingersuutit pillugit naapisinneqassasut.

**AALAJANGERNEQ:**

Inassuteqaat ataatsimiititaliaq Inuani isumaqatigiissutigineqartoq amerlanerussuteqartunit akuerinerarpoq:

Ingerlatsinermi sinaakkutaasut kiisalu sanaartugassani sinaakkusiunneqartut 55 mio. Kr. Iluani 2023-mut missingersuut naammassineqassasoq, nikisitsisoqassappallu ataatsimiititaliat ataavartut sinaakkutit iluanni pingaarnersiuissasut.

Attumi Ikamiunilu Atuarfiit pingaarnersiornermi eqqarsaatigineqassasut.

Akinik 10%-imik qaffaanissamik innersuutip iluani attunngitsoorneqarsinnaasut misissorneqassasut.

Kristian Jeremiassenip inassuteqaat itingartippaa, ataatsimiititaliaq Inoqarfimmi sanaartugassanut missingersuut 2023-imí 26 mio kr.-inik sippuisoq malinneqanissaa kiisaatigigamiuk. Itigartitsinermiini kissaatit tunngavii:

- 1 mio. kr. 2023-mi Qeqertarsuarmi Aqquserniliornissamut, illoqarfimmi utoqqarnut pitsaunerusunik aqqusernit sanaartorneqarnissaannut qulakkerisussaq
- 1 mio. kr. 2023-mi Qeqertarsuarmi aamma Qasigiannguani aqqusernit nutaat suliniutigineqarnissaannut
- 1 mio. kr. 2023-mi Qasigiannguni tummeqqanik nutaanik sanasoqarnissaanut
- 10 mio. kr. (5 mio. kr. 2023-mi aamma 5 mio. kr. 2024-mi) Qasigiannguani inissianik sanaartortoqarnissaanut

- 1 mio. kr. 2023-mi Qasigiannguani aqqusernit suliniutigineqarnissaannut, arsaattarfimmum iliveqarfimmullu aqqusineqarnissamut qulakkeerisussat
- 15 mio. kr. 2023-mi Niaqornaarsunni Minihalip sananeqarnissaanut
- Qeqertarsuarsuarmi meeqqueriviup nutaap suliniutigineqarnissaanut sanaartorneqarnissaanullu siuartitsineq Siunnersuut ima paasineqassaaq 2023-mut 1 mio. koruunnik 2024-mut 15 mio. koruunnik siuartitsisoqartoq
- 1 mio. kr. Aasianni multibanep nutaap sanaartorneqarnissaanut
- 1 mio. kr. 2023-mi Aasianni aqqusiniliornissamut, Aadarujuk Piukkunnarsarfimmum atassuserlugu
- Kangaatsiami arsaattarfiup ivigaaraasartallip sanaartorneqarnissaanik siuartitsineq Siunnersuut ima paasineqassaaq 2023-mut 1 mio. koruunnik 2024-mut 5 mio. koruunnik siuartitsisoqartoq
- 1 mio. kr. Kangaatsiami aqqusernit asfaltilersorneqarnissaannut
- Aasianni bussinik pisinissamik kiisalu aningaasaliisutinik qaffaanissamut siuartitsineq. Siunnersuut ima paasineqassaaq 2023-mut 2,5 mio. koruunnik sanaartornissamut aningaasaliisoqartoq.

Siumut siullermeerinninnermi inassuteqaammik itigartitsivoq, itigartitsinermi tunngavik:

Missingersuutit siullermeerneqarneranni paassisutissat pingaarutilit aaliangernissamut toqqammavissatut atugassat, piffissaagallartillugu nassiunneqannginneri aammalu allakkatigut uppernarsaatinik amigaateqarneq pissutigalugu Siumut missingersuutit siullermeerneranni itigartitsivoq. Taamaattorli Ataatsimiitaliaq Inoqarfiup sanaartugassanut missingersuutaa nutartigaq paassisutissanik ersarinnerusunik sukumiinerusunillu imaqartinneqartoq Ataatsimiitaliani missingersuutit aappassaaneerneqarnissaannut toqqammavittut atorneqarnissaat naatsorsuutigaarput, qulaanilu kissaatigut malillugit ersarissaasoqarsimassasoq naatsorsuutigalutigu. Missingersuutit Ataatsimiitaliani aappassaaneerneqarnissaannut Siumut suleqataassaaq. Oqaaseqaat taamakkiisoq imaqarniliamut ilanngussatut ilanngunneqarpoq.

<b>Suliap nr.</b>	<b>22-073</b>	<b>Ilanngussap nr.</b>	<b>73</b>	<b>Journal nr.</b>	<b>18.03.11 &amp; 16.04.1000-C03</b>
<b>Sammisaq</b>	<b>22-073 Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmumt siunnersuut</b>				

### **EQIKKAANEQ:**

Aasianni sanaartorfissanik ujartuineq annertooq misigineqarpoq. Tamannalu pissutsinik arjalinnik pissuteqarpoq. Nalinginnaasumik inuiaqatigiit appariaateqarput, kisiannilu inissianut assiginngitsunut utoqqarnullu inissianut sanaartorfissanik ujartuineq annertooq misigineqarpoq. Taamaalluni Kommunimut pilersaarummi 2018-2030, Kommune Qeqertalimmi Immikkuualuttoq 1000-C03 Aasianni Wille Brandtsvejimi Qitiusoqarfimmumti aalajangersakkat inerisarneqarnissaat pisariaqartinneqarpoq.

### **SULIAP SAQQUMMIUNNEQARNERA:**

Inoqarfik INUA ukuninnga paassisutissanik kiisalu aaqqiissutitut siunnersuutnik peqarpoq:

- Sanaartorfissanik ujartuineq annertusisoq maluginiarneqarpoq, naak innuttaasut amerlassusaat apparaluartoq.
- Ukiorineqartut 65-niik qaffalaarsimapput. Malisungaannarlugu ukioqatigiaat 65+ namminerisaminik angerlarsimaffimminni sivisunerusumik najugaqartalerput, taamaattumik inissiat iperarneqartanngillat, meeqqat angerlarsimaffimmit nuukkaangata minnerusunik inissiaqartanngilaq nuuffigineqarsinnaasunik, taamaattumik inissiat iperarneqartanngillat.
- Suliffeqarfiit sulisussaaleqipput inissiat amigaatigineqarmata.
- Ukioqatigiaat 0-15-nik ukiullit appalaarsimapput, tamatumunngalu pissutaasinnaavoq, ilaqtariinnut inissiat suliffissallu amigaataammata.
- Ukioqatigiaat 25-64 appalaarsimapput, tamatumunngalu pissutaasinnaavoq qulaani taaneqareersut innutaasut katitigaanerannik ataqatigiissitsinerup ineriartornera.
- Taamaalluni Aasianni sanaartorfissanik nutaanik pisariaqartitsisoqarpoq.
- Peqatigitillugu maluginiarneqarpoq, utoqqarnut inissianik najugaqatigiiffinnillu pilersitsinnerup pilersaarisornera tunngavissaqanngimmat. Kommunimut pilersaarummi tapiliussami matumanii inatsisitigut iluarsiisoqarpoq, tigussaasumik inatsisitigut iluarsiisoqarneratigut annaasaqarnissaq kissaatigineqanngimmat.
- Kommunimut pilersaarummut tapiliussami tessani sanaartorfissat nutaat inissinneqassapput, kommunimut pilersaarummi aalajangersakkani tamakkiisuni portunerpaaffissaataa aalajangersimaffiani aammalu sanaartorfissat inissismaffissaat aalajangersakkani ersarissakkani aalajangersimasuulluni. Aalajangersakkani tamakkiisunit immikkut akuersissuteqartoqarsinnaanngilaq, tamannalu sanaartortitsisunut ataasiakkanut qularnaveeqqusivoq, sanaartortoqannginnissaanut isikkivimmillu arsaarinnittooqannginnissaanut. Kisianni aalajangersakkanik erseqqinnerusunit immikkut akuersissuteqartoqarsinnaavoq, sanaartugaq ilusinilernerani aammalu inissismaffiata iluarsaannejqarnissamik pisariaqartitsilernerani.
- Kommunimut pilersaarummut tapiliussaq nr. 11-mut siunnersuut una peqatigitillugu Akilersuinissamut malittarisassamut siunnersuut nassiunneqarpoq. Illeqqoreqqusami tessani agguataarinissaq aalajangersarneqarpoq, tassanngali allaqqavoq agguagarsiassat sorliit akilerneqassanersut imaluunniit nammimeerluni tamakkiisumik aningaasaliisoqassanersoq.
- Sanaartorfissat nutaat saqqummiunneqassapput inissianut qinnuteqarnissamut killigititaq sapaatip akunnerinik pingasut sioqqullugu aammalu qitiusoqarfimmumt sanaartorfissanut qinnuteqarnissamut killigititaq sapaatip akunnerinik arfinilinnik sioqqullugu. (Kommunimut pilersaarummut aalajangersakkani piumasaqaatit allaqqapput

<https://kommuneplania.qeqertalik.gl/nunaminertanik-agguaassisarneq/nunaminertamik-atininssamut-qinnuteqarneq/> )

#### **ANINGAASATIGUT KINGUNISSAT:**

- Kommunimut pilersaarummut tapiliussaq imminermini kommunimut aningaasatigut kingunissaqanngilaq.
- Kommunimi missingersuutini nunagissaanermut aningaasaliissutit ilaapput, atorneqartut.
- Aamma sanaartortitsisumut ajornanngilaq akilersuinissamut malittarisassat naapertorlugit nammineerluni 100 %-mik aningaasalersornissamut.

#### **KINGUNEQAATIT:**

- Ataatsimiititap INOQARFIK aqqutigalugu Kommunalbestyrelsip, INUA-talu Kommunimut pilersaarummut tapiliussaq nr. Immikkuualuttumut 1000-C03 Qitiusoqarfik Wille Brandtsvejip eqqaaniittumut siunnersuut kiisalu Akilersuinissamut malittarisassaq matuman immikkuualuttumut siunnersuut tamanut tusarniaatigineqassaaq sapaatip akunnerini arfineq pingasuni.
- 

#### **INATSISITIGUT TUNNGAVIK:**

- Pilerausiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.
- Pilerausiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersumik allanngortinneqartoq Inatsisartut inatsisaat nr. 34, 9. december 2015.
- Kommunimi pilersaarut 2018-2030 Kommune Qeqertalik.
- Kommunimut pilersaarummut tapiliussamat nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmumt siunnersuut.
- Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmumt siunnersuummut Akilersuinissamut malittarisassat.
- Sanaartorfigissaaneq – suliassat isumagisassallu qanoq agguataarneqarnissaannik isumaqtigiissut nutaaq januaarip 1-ta 1998-meersoq pillugu KANUKOKA Namminersornerullutillu Oqartussat isumaqtigiissutaat.
- Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq
- 

#### **SULIAP SULIARINERA:**

- Ataatsimititaliaq Inoqarfik
- Ataatsimiititaliaq INUA.
- Kommunalbestyrelse.

**INASSUTEQAAT:**

Inoqarfik INUA Ataatsimiitaliaq INOQARFIK-mut inassuteqaatigaa:

- Ataatsimiitaliaq INOQARFIK-up Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuut kiisalu ommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut akilersuinissamut malittarisassat suliarineqarput,
- ataatsimiitallu siunnersuutit taakkua marluk INUA aqqutigalugu Kommunalbestyrelsimum ingerlateqqissavaaamma
- Sanaartorfissat nutaat saqqummiunneqassasut inissianut qinnuteqarnissamut killigititaq sapaatip akunnerinik pingasut sioqqullugu aammalu qitiusoqarfimmut sanaartorfissanut qinnuteqarnissamut killigititaq sapaatip akunnerinik arfinilinnik sioqqullugu.

**ILANNGUSSAQ:**

Ilanngussaq 73-01: Kommunimut pilersaarummut tapiliussamut nr. 11-mut Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuut.

Ilanngussaq 73-02: Kommunimut pilersaarut 2018-2030 Kommune Qeqertalimmi Immikkuualuttoq 1000-C03 Wille Brandtsvej eqqaani Qitiusoqarfimmut siunnersuummut Akilersuinissamut malittarisassat.

Ilanngussaq 73-03: Inuiaqatigiit nikeriarnerat.

**AALAJANGIINEQ:**

Ataatimiitsitaliaq Inoqarfik ulloq 09/08-2022 ataatsimiinnerani aaliangernera:

Inassuteqaat akuerineqarpoq

**AALAJANGIINEQ:**

Ataatsimiitsitaliaq Inua ulloq 22. September 2022 ataatsimiinnermini aalajangernera:

Inassuteqaat akuerineqarpoq.

**AALAJANGERNEQ:**

Inassuteqaat akuerineqarpoq.

**ILISIMATISSUTIT**

Suliap nr.	22-074	Ilanngussap nr.	74	Journal nr.	
Quleqtaaq	<b>22-074 2022-imni qammatinut siullernut pingasunut naatsorsuutit pillugit ilisimatitsineq</b>				

**UTEQQIINEQ:**

2022 august naatsorsuutit pillugit una ilisimatitsissut aqqutigalugu ataatsimiitaliamut INUA-nut tunniunneqarpoq.

**SULIAMIK SAQQUMMIINEQ:**

2022 augustimi naatsorsuutit tunngavigalugit piffissap ilaanut naatsorsuutit suliarineqarput. Piffissap ilaanut naatsorsuutit takutippaat sinneqartoortutit 5,2 mio. kr.-isoq.

Kommunabestyrelse marts 2022-imni aalajangerpoq sanaartornermut iluarsartuussinermullu aningasaateqarfimmik pilersitsinissaq. Aningasaqaqnermut nukinnullu immikkoortortami maanna sanaartornermut aningasaaliissutit aningasaateqarfimmut nuussorneqarput. Maannakkuugallartoq nuussinerup nalaani itisiliisumik naatsorsorneqanngikkallarpooq sanaartornermut naatsorsuutit.

**ANINGAASAQARNIKKUT KINGUNEQATISSAT:**

Ataatsimiitaliaq Inuani septemberimi suliarineqarpoq nuussinissamut siunnersuut suliassaqarfinnut Inoqarfimmut Timi Tarnimullu tunngasut. Tamatuma saniatigut allaffissornermik suliaqartut suliassaqarfik Inuini nuussinissamik kiisalu immikkut aningasaaliissutinik suliaq saqqummiussassaaq suliarivaat, tamannalu kommunip tamakkiisumik aningasaqarmeranut sunniuteqarsinnaalluni.

**KINGUNEQATIT:**

Soqangnilaq.

**INATSIT TOQQAMMAVIGISAQ:**

Kommunit Namminersorlutillo Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq

Kommunit missingersuusiornerat, aningasanik tigoriaannaateqarnerat, naatsorsuutaat, kukkanersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq

Ingerlatsinermi aamma aningasaqarnermik aqutsinermik ilitsersuut, Kommune Qeqertalik, 01.01.2018

**SULIAMIK SULIARINNINNEQ:**

Piffissap ilaanut naatsorsuutit pillugit ataatsimiitaliaq Inua ilisimatinneqassaaq, tak. Ingerlatsinermi aamma aningasaqarnermik aqutsinermik ilitsersuut.

**INASSUTEQAT:**

Aqutsisoqarfiup Ataatsimiitaliamut Inua-nut inassutigaa:

- ilisimatitsissut tusaatissatut tiguneqasssasoq
- ilisimatitsissut Kommunalbestyrelsimit ingerlateqqinnejassasoq

**ILANNGUSSAQ:**

Ilanngussaq 57-01 2022-imí qaammammi august 2022 naatsorsuutit

**AALAJANERNEQ:**

Ataatsimiitaliaq Inua ulloq 22. September 2022 ataatsimiinnermini aalajangernera:

Tusaatissatut tiguneqarpoq.

**AALAJANGERNEQ:**

Tusaatissatut tiguneqarpoq.

**ATAATSIMIINNEQ NAAVOQ: 12:44****ATSIORFISSAQ:**

Hansen, Ane \_\_\_\_\_

Lundblad, Frantz \_\_\_\_\_

Broberg, Bia A. \_\_\_\_\_

Nathanielsen, Karl Thue \_\_\_\_\_

Aronsen, Hans \_\_\_\_\_

Lundblad, Klaus \_\_\_\_\_

Kristensen, Niels \_\_\_\_\_

Larsen, Mariane S. \_\_\_\_\_

Jeremiassen, Kristian \_\_\_\_\_

Kristensen, Naja \_\_\_\_\_

Jeremiassen, Otto \_\_\_\_\_

Sandgreen, Enok \_\_\_\_\_

Samuelson, Aqqa \_\_\_\_\_

Frederiksen, Ole I. \_\_\_\_\_